

道門科範大全集卷之三十二三十三三傳五

三洞經籙弟子仲勳編

誓大穰災儀

清旦行道

法事陞壇如式

各禮師存念如法

宣衛靈呪

青陽左映 耀日回靈 神虎辟邪 飛玄流鈴
摧奸滅試 萬魔束形 九微迴道 八威攝精
千真校錄 三元蕩滌 左嘯中黃 右策六丁
七轉八合 周旋天經 聖化巍巍 大道興行
慶雲流布 合景黃庭 與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出者嚴裝顯
服冠帶垂纓闕啓玄壇土地方域神真臣今
清旦行道謹奏為入憲其諸忱悃已錄告聞
願得

太上十方至真道炁靈寶瑞光下降流入臣

身中令臣所啓速達徑御

太上無極大道

昊天玉皇上帝御前

請稱法位

具位臣某與臨壇官眾謹同誠上啓

虛无自然元始天尊太上大道君太上老君

太上昊天玉皇上帝紫微天皇大帝紫微北

極大帝聖祖天尊大帝后土皇地祇元天大

聖后十方無極大道諸天天帝三十六部尊

經玄中大法師圓穹上象火星執法真君所

變所化列宿星君厚地洞天嶽瀆主宰南方

離位丙丁巳午火部官屬三界應感一切真

靈臣聞察璿璣以齊七政之運載在虞書分

星度以觀五緯之躔記諸周典仰惟火德位

鎮丹天稱炎帝以持權號火星而執法夏令

所主為風伯以應時萬卦所司拱太微而受

事因五凶而作變體十善以降祥並行度而

有臨咸炳輝而垂照某生居塵界命係星圖

出入往來久荷照臨之德行藏語默動多過

失之愆屬星火之戒嚴況炎威之可畏不藉

歸心之祝曷回陰陽之私是用率眾願誠恭

崇大醮演琅函而對越瞻絳闕以欽承昔所

以悔謝愆尤導迎景貺臣等棲身真館藏教

人間觀其深秉心誠可謂祗畏天命爰祝釐

於三境敬溼懇於諸天仰祈穹極之靈必副

羣心之禱況奉詞悃敢不上聞爰有心詞謹

當宣奏

宣詞

按如詞語灼見忱恂諒達宸聰恭承睿聽竊

聞瓊臺鳳閣寶光龍立自始青之聲開及元

黃之既啓金書玉宇發現於諸天碧簡丹文

流行於厚地蕩蕩大化巍巍神功溥利有情

遍沾無極爰遵典式肅建靈壇延企真游仰

希景祐以今清旦行道請法眾等運茲初捨

上香

願此香烟騰空上徹供養

太上三尊十方眾聖臣等皈身皈神皈命首

體投地以是捨香功德上祝

當今皇帝陛下伏願體堯仁而御宇超舜孝

以安民實祚綿長茂建中興之業聖圖增廣
彌隆泰定之基壽比天崇福如川至六宮安
靖百辟忠良金枝鬱秀於千春玉燭均調於
四炁今故燒香自歸依

師尊大聖眾至真之德得道之後保天長存
和與道合真

以今清且行道請法眾等運茲二炁上香
願此香雲騰空上徹供養

太上三尊十方眾聖巨等皈身皈神皈命首
體投地以是捨香功德歸流某家九祖七先

前亡後逝伏願解除冥誦超翫仙庭反形而
游太空脫身而離五濁永謝九幽之地獄長

依十極之天尊早契道真常存正見今故燒
香自歸依

師尊大聖眾至真之德得道之後升入无形
和與道合真

以今清且行道請法眾等運茲三炁上香
願此香雲騰空上徹供養

太上三尊十方眾聖巨等皈身皈神皈命首
體投地以是捨香功德歸流某伏願大德垂

慈陽靈介福榮感不聞於留伏攬捨永載於
光芒責已畏威願退守心之舍循躡錫社勿
揚在戶之星中興觀王於朝家明威更光於
人物封疆靜謐戶口豐繁共趨嘉會之亨同
遂大明之上今故燒香自歸依

師尊大聖眾至真之德得道之後永保長生
和與道合真

懺方
三啓

三禮
重稱法位

具位巨某與臨壇官眾謹同誠上啓
太上三清上聖昊天玉皇上帝九皇至尊十
方上聖三十六部尊經玄中大法師大德上
真三界應感一切真靈巨闡清靜之教大闡

於西周正一之風宣行於東漢自虛皇之造
物至道居尊洎盤古之開天神化為主東西
列陰陽之位南北定次離之官日月運行星
辰經緯所以斡旋二氣制御萬神矧火德之
尊星實中天之景曜司盜司疾主饑主兵所

居之國罹殃所向之方為亂本人為之勅賜
致天變之不常醜官某恭以斗建南杓魁每
端於坎位火居夏曆卦正屬於離宮事宜思
患以預防人在省躬而祇畏欲圖寧謐敢念
祈禳巨等夙慕沖虛冥探道奧參經佩錄按
法行科對感格於真靈必蕩清於塵垢伏願
黃華濯質赤景分晶繼陰穢於百闕保靈光
於八素肅清壇席感降降降恭按明科儼崇
粹象以小臣之法眾歌大有之祕章少伸昭
報之誠祗迓沖游之貺屬茲闕告輒罄忱詞
伏願列曜收威法星息照重華降福太白辟
兵火無焚燎之災水息漂流之患朱陵大帝
賜以長生南極老人錫之上壽丹靈所統所
轄之聖轉禍為祥榮感所變所化之星依躡
順度一方蒙佑比屋霑恩俱亡平暴之驚共
享清平之樂乾元清泰地紀安寧聖祚遐長
生民康輯上明

天尊大慈之澤下副巨等皈向之誠謹啓以
聞

十二願

復爐

香官使者左右龍虎君侍香諸靈官當令
向來清且行道之所自然生金液丹碧芝英
百靈眾真交會在此香火爐前當願十方仙
童玉女接侍蘭烟傳旨向來所啓速達徑御

至真無極大道

昊天玉皇上帝御前

出堂頌

道門科範大全集卷之三十二

道門科範大全集卷之三十三

三洞經錄弟子仲勛編

誓火煉災儀

臨午行道

法事陞壇如式

各禮師存念如法

宣衛靈呪

丹靈朱火炎霞激風赤輪剛運天光八衝

逆威包羅交變萬方流金豁落羣魔滅蹤

辟奸破妖明耀元功金符召制躡雲策龍

誑歌慶會散花太空神化冥運四極安隆

伏御帝前罔有不恭與道合真

鳴法鼓二十四通

無上三天玄元始三炁太上道君太上老君

召出日身中三五功曹左右官使者左右捧

香驛龍騎吏侍香金童傳言散花玉女五帝

直符直日香官各三十六人出出者嚴裝顯

服冠帶垂纓闌啓玄壇土地方域神真

臨午行道謹奏為入書其諸忱悃已錄告聞

願得

太上十方至真道炁靈寶瑞光下降流入

身中令所啓速達徑御

至真無極大道

昊天玉皇上帝御前

請稱法位

具位某與臨壇官眾謹同誠上啓

虛无自然元始天尊太上帝太上老君

太上昊天玉皇上帝紫微天皇大帝紫微北

極大帝聖祖天尊大帝后土皇地祇元天大

聖后十方無極大道諸天天帝三十六部尊

經玄中大法師圓穹上象火星執法真君所

變所化列宿星君厚地洞天嶽瀆主宰南方

離位丙丁巳午火部官屬三界應感一切真

靈巨闡元精垂象紫微端北極之尊列曜交

曜火德御南昌之府幽贊生成之化廣敷臨

照之功居絳闕以垂光司丹天而布政所臨

分域可驗災祥應二數以秉權歷周天而舒

彩或星網改運或分野流祥凡處光明敢忘

寅畏醮官某叨居塵界幸託真休屬星火之

戒期正朱明之在候當此流金之日畏夫爍